

**Aqqusinertigut angallatinut motorinik ingerlatilinnut il.il. akisussaanermut
sillimmasiisarneq pillugu Kalaallit Nunaannut nalunaarut.**

Kalaallit Nunaanni aqqusinertigut angallannermut inatsimmi § 49, imm. 4, aamma § 51, imm. 1, inatsit nr. 832, 18. december 1991-imeersoq, allannngortinneqartoq inatsisikkut nr. 497-ikkut, 17. juni 2008-meersukkut, naapertorlugit aalajangersarneqarpoq:

Kapitali 1

*Sillimmasiisarfinnut, aqqusinertigut angallatinut motorinik ingerlatilinnut akisussaanermut
sillimmasiinissamik neqerooruteqartartunut, malittarisassat nalinginnaat*

§ 1. Sillimmasiisarfiit, Kalaallit Nunaanni aqqusinertigut angallatinut motorinik ingerlatilinnut akisussaanermut sillimmasiinissamik neqerooruteqartartut, pisussaaffigaat sillimmasiitissallugu kinaluunniit sillimmasertittussaataasooq, sillimmasiisarfiup sillimmasiinissamut piumasaqaataanik ajoquseriataarsinnaaneq akisussaaffigineqalersooq naapertorlugu aalajangersarneqarsimasunik, malinnikkusuttoq.

Imm. 2. Taamaattoq sillimmasiisarfiit, aqqusinertigut angallatinut motorinik ingerlatilinnut akisussaanermut sillimmasiinissamik ataatsimoorlutik neqerooruteqartartut, taamaallaat pisussaaffigaat sillimmasertittussaataasooq kinaluunniit najukkap, ingerlatsiviup suliffigisassaatur aalajangerneqarsimasup, iluani ilaasortannngortissallugu.

§ 2. Sillimmasiineq atuutilissaaq sillimmasiinissamik qinnuteqaatip sillimmasiisarfimmit imaluunniit taassuma piginnaatitaanit tiguneqarnerani, sillimmasertittup noqqaassutigisimannngippagu atortuulersitsinissaaq ulloq alla kingusinnerusukkut pissasooq.

Imm. 2. Sillimmasiinerup akiliutigineqarsimasooq ataaseq tunngavilugu sillimmasertinneq Kalaallit Nunaanni aamma Den Europæiske Union-imi aamma Det Økonomiske Samarbejdsområde-p sammisaqarfiini tamani matussusiissaaq, matussusiissallugillu naalagaaffiup ilaasortaaq pineqartup inatsisiliaanni aalajangersarneqartut imaluunniit kalaallit inatsisiliornerat malillugu piumasarneqarsinnaasut, matussusiissutit taakku annertuneruppata. Sillimmasiinerup aamma matussusiissavai aqqusinertigut angallatit motorinik ingerlatillit sillimmaserneqarsimasut naalagaafimmi Den Europæiske Unionimut imaluunniit Det Europæiske Samarbejdsområdemut ilaasortaaqsumiinnerisa nalaat.

§ 3. Sillimmasiisarfik ima sillimmasiisaaq, sillimmasiisarfiup sillimmasiinikkut akisussaaneq sunaluunniit ajoqusersimasumut naleqqiullugu pisussaaffigissallugu.

Imm. 2. Sillimmasertittup sillimmasiisarfimmut akerliusumik iliuuseqarnera imaluunniit pisussaaffimminik naammassinninnginnera sillimmasiisarfiup ajoqusersimasumut, taarsiivigineqarnissamik piginnaatitaasumut, akiliuumannnginnissaanut pisinnaatitsinngilaq.

Imm. 3. Kalaallit Nunaanni aqqusinertigut angallannermut inatsimmi § 52, imm. 2-p malitsigisaanik sillimmasiisarfiup sillimmasertittullu akornanni killilimmik isumaqatigiissutigineqarsinnaavoq, sillimmasertittoq sillimmasiinerup nalaani ajoquseriataarsinnaanernut tamakkiisuunngitsumik tamakkiisumilluunniit akiliisussatut pisussaassasooq. Illuatungeriit taakkua akornanni isumaqatigiissutigineqarsinnaanngilaq,

ajokusertup ajoquseriataarsinnaaneq tamakkiisuunngitsumik tamakkiisumilluunniit akisussaaffigissagaa.

§ 4. Dansk Forening for International Motorkøretøjsforsikring (DFIM) nunat allamiut aqqusinertigut angallataannut, Kalaallit Nunaanni nalunaarsorsimangikkaluarlutik Kalaallit Nunaanni atorneqarallartunut, sillimmasiinikkut akisussaannermut matussusiissaaq, allatut sillimmasiisoqarsimangippat.

Kapitali 2

Aqqusinertigut angallatinut nalunaarsorneqartussaasunut il.il. sillimmasiineq aamma sillimmasiinermit atorunnaarsitsineq.

§ 5. Aqqusinertigut angallatinik motorinik ingerlatilinnik nalunaarsuinermit uppersarneqassaaq, Kalaallit Nunaanni aqqusinertigut angallanneq pillugu inatsimmi najoqqutassat naapertorlugit aqqusinertigut angallat pineqartoq atuuttumik sillimmaserneqarsimasooq. Taamaaliortoqassaaq, tamanna Kalaallit Nunaanni aqqusinertigut angallatinik motorinik ingerlatilinnik nalunaarsuineq pillugu nalunaarummi ersersinneqarsimatillugu, nalunaarummik immersuiffissamut immikkut ittumut (sillimmasiisimanermit uppersaasat) sillimmasiisarfiimmit pineqartumit atsiorneqarluni allanneqarsimasumik politiiunut tunniussinikkut.

Imm. 2. Aqqusinertigut angallat motorinik ingerlatilik usisaammut peertakkamut, qamutitut kalusiuttakkanut, sakkunut kalusiuttakkanut imaluunniit qamussuarnut assartuutitut atassusertagaappat, kalitaqarluni biilernermit sillimmasiisarfik aammattaaq taarsiissaaq.

Imm. 3. Aqqusinertigut angallat sillimmasiisarfiimmi allami, sillimmasiisarfiimmit maannamut atorneqartumit allaanerummi, sillimmaserneqassappat aqqusinertigut angallatip piginnittua (atuisooq) sillimmasiisimanermit uppersaasammik nutaamik politiiunut tunniussissaaq, taamaalilluni uppersaasat politiit tigoreersimassallugu kingusinnerpaamik ullormi, maannamut sillimmasiinerup atorunnaarfiani.

Imm. 4. Politiit sillimmasiisimanermit uppersaasatip nalunaarsorneqarnera pillugu sillimmasiisarfiimmut nalunaaruteqassappat. Sillimmasiisarfik ullormiit nalunaarsuiffimmiit qaammatit pingasut iluanni nalunaarsuineq pillugu politiiunut akerliliissuteqanngippat sillimmasiisarfik ajoqusernermut tamanut inummut pingatsiuttumut akiliisussaassaaq, allatut naammaginartumik sillimmasiisoqarsimangippat.

§ 6. Aqqusinertigut angallat motorinik ingerlatilik nalunaarsorneqarsimasooq allamik piginnittoqalerpat imaluunniit atuisooqalerpat, maannamut sillimmasiiffiusimasup piginnittoq/atuisooq nutaaq sapaatip akunnerini pingasuni sillimmasersimatissavaa, taamaattoqassananili aqqusinertigut angallat tamanna sioqqullugu taamaatitinneqarsippat imaluunniit nutaamik sillimmasiisoqarsimangippat.

§ 7. Aqqusinertigut angallat motorinik ingerlatilik nalunaarsorneqarsimasussaaq sillimmaserneqassanngilaq sillimmasertittoq aqqusinertigut angallammut tassunga siusinnerusukkut sillimmasiinermit akiligassaqarpat, ukiut kingulliit marluk iluanni akilerneqareersimasassanik. Aqqusinertigut angallammik motorinik ingerlatilimmik nalunaarsorsimasumik tamatumunnga akerliusumik sillimmasiineq erngiinnaq atorunnaarsinneqassaaq.

Imm. 2. Sillimmasernermut, sillimmaseqqaarneqarsimallutik aqqusinertigut angallatit allat sillimmasertinnerli aqqusinertigut angallammut nutaamut nuunneqarsimalluni, akiliutinik kinguaattooruteqarneq sillimmasiinerup unitsinneqarneranik kinguneqassanngilaq, kinguaattoorutit pilersimappata sillimmasiinerup aqqusinertigut angallammut nutaamut nuunneqarnissaa sioqqullugu.

§ 8. Aqqusinertigut angallammot mootorimik ingerlatilimmot nalunaarsorsimasumut sillimmasiineq sillimmasiisarfimmot allamut nuunnermiit allaanerusumik pissuteqartumik atorunnaarsinneqarpat, sillimmasiisarfik tamanna pillugu politiinut nalunaaruteqassaaq.

Imm. 2. Sillimmasiineq § 7, imm. 1-imi taaneqartoq pissutigalugu atorunnaarsinneqarpat, nalunaarut politiinut aalajangersakkami matumani imm. 1 naapertorlugu ingerlaannaq nassiunneqassaaq.

Imm. 3. Aqqusinertigut angallammik sillimmasiinermut pineqartumut akiliutinik kinguaattoorneq pissutigalugu sillimmasiineq imm. 1-imi taaneqartutut atorunnaarsinneqarpat imm. 1 naapertorlugu nalunaaruteqarneq siusinnerpaamik nassiunneqassaaq imaalillugu, taanna politiinit tigoreerneqartussanngorlugu sillimmasiinerup akilerneqareerfissaaniit sapaatit akunneri 10-t qaangiunneranni.

Imm. 4. Sillimmasiineq imm. 2-mi aamma 3-mi taaneqartunit allaanerusumik pissuteqartumik atorunnaarsinneqarpat imm. 1 naapertorlugu nalunaaruteqarneq siusinnerpaamik nassiunneqassaaq imaalillugu, taanna politiinit tigoreerneqartussanngorlugu sillimmasiinerup atorunnarsinneqarnissaa ullunik 14-inik sioqqullugu.

Imm. 5. Imm. 1 naapertorlugu nalunaaruteqartoqassanngilaq politiit sillimmasiisarfimmot nalunaarutigisimappassuk aqqusinertigut angallatit sillimmasiisarfimmi allami sillimmaserneqarsimasut imaluunniit politiini nalunaarsoqqajunnaarsimasut.

§ 9. Politiit § 8, imm. 1 naapertorlugu nalunaarut tigoreerunikku, paasineqarpallu aqqusinertigut angallat politiini suli nalunaarsoqqasoq aamma naammaginartumik sillimmaseqqittoqarsimanngitsoq, aqqusinertigut angallatip nummerpladii arsaarinnissutigineqassapput.

Imm. 2. Aqqusinertigut angallat qamuteralaappat politiit qamuteralaat nalunaarsorneqarnerannut meqqii arsaarinnissutigissanngilaat, kisianni meqqit atorsinnaajunnaarsinneqassapput qamuteralaallu nalunaarsorneqarnerat atorunnaarsinneqassaaq.

Imm. 3. Sillimmasiinerup atorunnaarsinneqarnera apequtaatinnagu sillimmasiisarfiup inummut pingatsiuttumut tunngatillugu ajoqusernermut suugaluartumulluunniit akisussaasuunera ingerlaannassaaq atorunnaarsitsinermiit sapaatit akunneri 4-t tikillugit, allatut naammaginartumik sillimmasiisoqarsimanngippat. Politiit § 8, imm. 1 naapertorlugu nalunaarummik suli tigusaqanngitsut sillimmasiineq atorunnaarsinneqarsimappat, sillimmasiisarfiup akisussaasuunera nalunaarutit tiguneqarneraniit sapaatit akunneri 4-t tikillugit ingerlaannassaaq.

§ 10. Nalunaarutit, § 5, imm. 3-mi aamma 4-mi aamma § 8-mi taaneqartut, immersuiffissat immikkut ittut atorlugit tunniunneqassapput imaluunniit qarasaasiakkut nalunaarutigineqassallutik, taakku imaat ilusaallu Kalaallit Nunaanni Politimesterimit aalajangersarneqarsimassapput. Nalunaarutit, Kalaallit Nunaanni Politimesterip piumasaqaataanik naammassinninngitsut, inatsisitigut sunniteqanngillat itigartitsissutigineqassallutillu.

*Aqqusinertigut angallatip motoorimik ingerlatillip ilisimaneqanngitsup imaluunniit
sillimmasersimannigitsup ajutoortitsineri*

§ 11. Dansk Forening for International Motorkøretøjsforsikringip (DFIM) Kalaallit Nunaanni ajutoornerup, aqqusinertigut angallatip motoorimik ingerlatillip ilisimaneqanngitsutut isumaqarfigineqartup pisuuffigisaata, kingunerisaanik ajoqusertoq taarsiivigigallassavaa, kisianni allanut akisussaasuusinnaasunut akiliutigisimasaminik utertitsiniaasinnaatitaalluni. Pigisanut ajoqusikkanut taarsiissuteqartoqassappat tamatumunnga peqatigitillugu inuup ajoquserneranut taarsiissuteqarnissaq piumasaqaataavoq.

Imm. 2. DFIM-ip Kalaallit Nunaanni ajutoornerup, aqqusinertigut angallatip motoorimik ingerlatillip sillimmaserneqanngitsup imaluunniit sillimmaserneqarsimasup kisianni sillimmasertinnera sillimmasiisarfimmit atorunnaarsinneqarsimasup imaluunniit atuutsiinnarneqanngitsup, kingunerisaanik ajoqusertoq taarsiivigigallassavaa, kisianni allanut akisussaasuusinnaasunut akiliutigisimasaminik utertitsiniaasinnaatitaalluni.

Imm. 3. Imm. 1 aamma 2 malillugit taarsiissutit DFIM-imit akilerneqassapput aqqusinertigut angallanneq pillugu inatsisini malittarisassat qaqugukkulluunniit atuuttut tunngavigalugit, taakkualu aningaasartaasa matussusiissutaasussat iluanni.

Imm. 4. Imm. 1 aamma 2 malillugit taarsiissuteqartoqassanngilaq peqatigiiffiup uppersarsinnaappagu ajoquserneqartup, nammineq piumassutsini naapertorlugu aqqusinertigut angallammut ikisimasup, nalusimannigikkaa aqqusinertigut angallat ajoqusernerup nalaani inatsisitigut piumasaqaataasumik akisussaannermut sillimmateqanngitsaq. Aalajangersakkat taakku malillugit aamma taarsiissuteqartoqassanngilaq akiliutigisimasat utertinneqarnissaannik inuup pingatsiuttup piumasaqaataanut matussusiissutaasussanik.

Imm. 5. Ajutoornerit, aqqusinertigut angallatip motoorimik ingerlatillip naalagaaffiup, Namminersornerullutik Oqartussat imaluunniit kommuni, nalinginnaasumik namminneq sillimmasiisartuusut, pigisaata pisuussutigisai, kingunerannik ajoqusernernut DFIM akiliisussaataannngilaq.

Kapitali 4

Atortuulersitsineq

§ 12. Nalunaarut atortuulissaaq ulloq 1. oktober 2008.

Imm. 2. Kalaallit Nunaanni aqqusinertigut angallatit motoorillit nalunaarsorneqarnissaat pillugu nalunaarummi nr. 139-mi 29. april 1968-imeersumi § 11, allanngortinneqartoq nalunaarutikkut nr. 187-ikkut, 19.maj 1980-imeersukkut, atorunnaarsinneqarpoq.

Inatsiseqarnermut ministereqarfik, ulloq 26. september 2008

BRIAN MIKKELSEN

/Lennart Houmann